

Član 43.

Ova odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se za fiskalnu 2016. godinu.

Broj 01/1-02-3178-4/15
30. decembra 2015. godine
Ilijaš

Predsjedavajući
Općinskog vijeća Ilijaš
Damir Filipović, s. r.

Na osnovu člana 1. stav 2. i člana 56. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije BiH", broj 71/14), Općinsko vijeće Ilijaš na 36. sjednici, održanoj dana 30.12.2015. godine, donijelo je

ODLUKU

O VERIFIKACIJI PRAVILNIKA O STIPENDIRANJU I
NAGRAĐIVANJU IZUZETNO NADARENH UČENIKA I
STUDENATA - PREČIŠĆENI TEKST

I

Općinsko vijeće Ilijaš verifikuje Pravilnik o stipendiranju i nagrađivanju izuzetno nadarenih učenika i studenata - Prečišćeni tekst, koji je utvrdila Komisija za statut i propise Općinskog vijeća Ilijaš na sjednici održanoj dana 18. decembra 2015. godine.

II

Pravilnik o stipendiranju i nagrađivanju izuzetno nadarenih učenika i studenata - Prečišćeni tekst će se, uz ovu odluku, objaviti u "Službenim novinama Kantona Sarajevo".

Broj 01/1-02-3178-6/15
30. decembra 2015. godine
Ilijaš

Predsjedavajući
Općinskog vijeća Ilijaš
Damir Filipović, s. r.

Na osnovu člana 47. Poslovnika Općinskog vijeća Ilijaš ("Službene novine Kantona Sarajevo", br. 2/10 i 18/15), Komisija za statut i propise Općinskog vijeća Ilijaš, na 34. sjednici, održanoj dana 18. decembra 2015. godine, utvrdila je prečišćeni tekst Pravilnika o stipendiranju i nagrađivanju izuzetno nadarenih učenika i studenata.

Prečišćeni tekst Pravilnika o stipendiranju i nagrađivanju izuzetno nadarenih učenika i studenata, obuhvata:

- Pravilnik o stipendiranju i nagrađivanju izuzetno nadarenih učenika i studenata ("Službene novine Kantona Sarajevo, broj 18/10);
- Odluku o izmjenama i dopunama Pravilnika o stipendiranju i nagrađivanju izuzetno nadarenih učenika i studenata ("Službene novine Kantona Sarajevo, broj 10/13);
- Odluku o izmjenama i dopunama Pravilnika o stipendiranju i nagrađivanju izuzetno nadarenih učenika i studenata ("Službene novine Kantona Sarajevo, broj 40/15) i
- Odluku o izmjenama i dopunama Pravilnika o stipendiranju i nagrađivanju izuzetno nadarenih učenika i studenata ("Službene novine Kantona Sarajevo, broj 44/15), u kojim je naznačen dan stupanja na snagu tih akata.

PRAVILNIK

O STIPENDIRANJU I NAGRAĐIVANJU IZUZETNO
NADARENH UČENIKA I STUDENATA

(Prečišćeni tekst)

OSNOVNE ODREDBE

Član 1.

Ovim Pravilnikom utvrđuju se osnove, način i kriteriji stipendiranja izuzetno nadarenih: učenika u srednjoškolskom obrazovanju, studenata i polaznika postdiplomskog studija u visokoškolskom obrazovanju, koji imaju prebivalište na području općine Ilijaš duže od 3 godine. Prebivalište kraće od 3 godine mogu imati izuzetno nadareni: učenici, studenti i polaznici postdiplomskog studija, ukoliko su oni ili njihovi roditelji imali prebivalište na području općine Ilijaš do 06. aprila 1992. godine, kao i oni podnosioci zahtjeva koji u vrijeme podnošenja zahtjeva imaju prebivalište i vlastiti stambeni objekat na području općine Ilijaš.

Član 2.

Pravo učešća na konkursu za stipendiranje imaju izuzetno nadareni učenici i studenti koji nisu obavljali godinu, a koji su u predhodnoj školskoj godini imali uspjeh u školi odnosno fakultetu i to:

- učenici srednjih škola sa najmanjom prosječnom ocjenom 4,80
- redovni studenti visokoškolskih ustanova sa prosječnom ocjena od najmanje 8,0 za fakultete iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija). Prosjek ocjena od najmanje 7,50 za studente fakulteta iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju).

Pravo učešća na konkursu za stipendiranje imaju studenti koji nisu obavljali godinu, a pohađaju fakultete Univerziteta u Sarajevu iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet) i grupacije biotehničkih nauka (Poljoprivredno-prehrambeni fakultet; Šumarski fakultet), bez obzira na ostvareni prosjek ocjena iz prethodne akademske godine.

Član 3.

Općinsko vijeće na prijedlog Općinskog načelnika donosi Plan stipendiranja izuzetno nadarenih učenika i studenata za jednu školsku godinu.

Općinski načelnik može vršiti korekciju donešenog Plana stipendiranja do 10% u odnosu na ukupan broj planiranih stipendija.

Član 4.

O stipendiranju izuzetno nadarenih učenika i studenata stara se Općinski načelnik i nadležna općinska Služba za društvene djelatnosti.

SREDSTVA

Član 5.

Po utvrđenom godišnjem planu stipendiranja izuzetno nadarenih učenika i studenata obezbjeđuju se u budžetu općine ukupna sredstva potrebna za stipendiranje koja se procentualno dodjeljuju za:

- redovno školovanje izuzetno nadarenih učenika u srednjem obrazovanju 30 %
- redovno školovanje izuzetno nadarenih studenata na visokoškolskim ustanovama 70 %

IZBOR KANDIDATA

Član 6.

Izbor kandidata za stipendiranje vrši se na osnovu prijave na konkurs.

Konkurs raspisuje Općinski načelnik.

Konkurs sadrži: uslove koje kandidat mora ispunjavati, broj kandidata koji se stipendiraju, rok za podnošenje prijave i druge potrebne podatke.

Konkurs se objavljuje u dnevnim novinama, oglasnoj ploči općine Ilijaš, zvaničnoj web stranici općine i putem Radio Ilijaša i to do 30. novembra tekuće godine.

Član 7.

Izbor kandidata vrši Općinski načelnik na osnovu prijedloga Komisije za izbor kandidata - korisnika općinske stipendije, u skladu sa kriterijima utvrđenim ovim Pravilnikom, o čemu informiše Općinsko vijeće.

Komisiju za izbor kandidata - korisnika općinske stipendije posebnim Rješenjem imenuje Općinski načelnik.

Svaki učesnik u konkursu mora biti pismeno obaviješten o rezultatima izbora najkasnije u roku od 15 dana od dana izbora, a nezadovoljni učesnik u konkursu može podnijeti prigovor za zaštitu svojih prava Drugostepenoj stručnoj komisiji Općinskog vijeća u roku od 8 dana od prijema obavještenja.

Član 8.

Ugovor o stipendiranju izuzetno nadarenih učenika, studenata sadrži: ime i prezime izuzetno nadarenog učenika - studenta, ime i prezime roditelja (staratelja) i njegovu tačnu adresu, naziv škole, način isplate.

Pravo Općinskog načelnika je da obustavi isplatu stipendije shodno uslovima po osnovu Pravilnika, a o istom će izvijestiti Općinsko vijeće.

Ugovor potpisuje roditelj (staratelj) izuzetno nadarenog učenika, izuzetno nadareni student i Općinski načelnik u ime općine Ilijaš.

Član 9.

Roditelj (staratelj) izuzetno nadarenog učenika i izuzetno nadareni student koji je potpisnik ugovora o stipendiranju je dužan da vrati sav iznos sredstava u roku od dvije godine, koje je primio za stipendiranje po osnovu ovog Pravilnika u slučaju ako napusti redovno školovanje ili ako izgubi pravo na dalje školovanje iz neopravdanih razloga.

STIPENDIRANJE

Član 10.

U skladu sa potrebama i nivoom finansijskih sredstava utvrđenih planom obrazovanja učenika i studenata, Općinsko vijeće dodjeljuje stipendije izuzetno nadarenim: redovnim učenicima srednjih škola i studentima fakulteta.

Član 11.

Stipendije se dodjeljuju za jednu školsku godinu i isplaćivat će se 9 mjeseci.

Član 12.

Visina mjesečne stipendije za izuzetno nadarene učenike i studente iznosi:

- u srednjim školama 50,00 KM
- na visokoškolskim ustanovama i fakultetima. 100,00 KM

Član 13.

Ako bilo koji od kandidata dobije stipendiju od nekog drugog Fonda ili institucije, isti se eliminiše sa bodovne liste, odnosno slijedeći kandidat sa bodovne liste dobiva općinsku stipendiju.

KRITERIJI ZA DODJELU STIPENDIJA

Član 14.

1. Bodovi po osnovu rezultata u učenju

- Za izuzetno nadarene učenike srednjih škola prosječna ocjena u prethodnoj školskoj godini zaokružena za jednu decimalu i pomnožena sa 10

pr. ocjena x 10 bodova

- Za izuzetno nadarene učenike prvog razreda srednje škole prosječna ocjena u devetom razredu zaokružena na jednu decimalu i pomnožena sa 9

pr. ocjena x 9 bodova

- Za izuzetno nadarene studente na prvoj godini prosječna ocjena u 4-om razredu srednje škole zaokružena na jednu decimalu i pomnožena sa 18

pr. ocjena x 18 bodova

- Za izuzetno nadarene studente viših godina fakulteta iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju), prosječna ocjena u prethodnoj godini studija zaokružena na jednu decimalu i pomnožena sa 10,5

pr. ocjena x 10,5 bodova

- Za izuzetno nadarene studente viših godina fakulteta iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija), prosječna ocjena u prethodnoj godini studija zaokružena na jednu decimalu i pomnožena sa 10

pr. ocjena x 10 bodova

- Za studente viših godina fakulteta Univerziteta u Sarajevu iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet) i grupacije biotehničkih nauka (Poljoprivredno-prehrambeni fakultet; Šumarski fakultet), prosječna ocjena u prethodnoj godini studija zaokružena na jednu decimalu i pomnožena sa 13

pr. ocjena x 13 bodova

2. Dodatni bodovi po osnovu rezultata postignutih na raznim nivoima takmičenja

- Za izuzetno nadarene učenike srednjih škola osvojeno treće mjesto na kantonalnom takmičenju iz predmeta za koje takmičenje organizuje Kantonalno ministarstvo 2 boda

- Za izuzetno nadarene učenike srednjih škola osvojeno drugo mjesto na kantonalnom takmičenju iz predmeta za koje takmičenje organizuje Kantonalno ministarstvo 4 boda

- Za izuzetno nadarene učenike srednjih škola osvojeno prvo mjesto na kantonalnom takmičenju iz predmeta za

- koje takmičenje organizuje Kantonalno ministarstvo 6 bodova
 - Za izuzetno nadarene učenike srednjih škola osvojeno treće mjesto na federalnom takmičenju iz predmeta za koje takmičenje organizuje Federalno ministarstvo 4 boda
 - Za izuzetno nadarene učenike srednjih škola osvojeno drugo mjesto na federalnom takmičenju iz predmeta za koje takmičenje organizuje Federalno ministarstvo 8 bodova
 - Za izuzetno nadarene učenike srednjih škola osvojeno prvo mjesto na federalnom takmičenju iz predmeta za koje takmičenje organizuje Federalno ministarstvo 12 bodova
 - Za izuzetno nadarene učenike srednjih škola učešće na svjetskoj olimpijadi iz predmeta za koje takmičenje organizuje Federalno ministarstvo 15 bodova
- Prijavljeni kandidati se boduju po oba navedena osnova.

UČENICI SA POSEBNIM PRIZNANJEM

Član 15.

Novčanom nagradom do 150,00 KM nagradit će se učenici sa posebnim priznanjem za odličan uspjeh iz svih nastavnih predmeta u toku cjelokupnog srednjoškolskog obrazovanja, koji imaju prebivalište na području Općine Ilijaš, a priznanje su dobili u nekoj od srednjih škola u Federaciji Bosne i Hercegovine.

Nagrade se uručuju učenicima s posebnim priznanjima za odličan uspjeh iz svih nastavnih predmeta u toku cjelokupnog srednjoškolskog obrazovanja za prethodnu školsku godinu na svečanom prijemu, koji priređuje Općinski načelnik.

ZLATNA ZNAČKA UNIVERZITETA

Član 16.

Novčanom nagradom do 300,00 KM nagradit će se najuspješniji diplomant i magistrant-nosilac priznanja "Zlatna značka Univerziteta u Sarajevu".

Novčanom nagradom do 150,00 KM nagradit će se diplomant i magistrant-nosilac priznanja "Srebrna značka Univerziteta u Sarajevu".

POBJEDNICI KANTONALNIH, FEDERALNIH I DRŽAVNIH TAKMIČENJA

Član 17.

U skladu sa mogućnostima raspoloživih sredstava u općinskom Budžetu, novčanom nagradom za postignute izuzetne rezultate na raznim nivoima takmičenja nagradit će se:

- Izuzetno nadareni učenici osnovnih i srednjih škola za osvojeno treće mjesto na kantonalnom takmičenju iz predmeta za koje takmičenje organizuje Kantonalno ministarstvo 50,00 KM
- Izuzetno nadareni učenici osnovnih i srednjih škola za osvojeno drugo mjesto na kantonalnom takmičenju iz predmeta za koje takmičenje organizuje Kantonalno ministarstvo 70,00 KM
- Izuzetno nadareni učenici osnovnih i srednjih škola za osvojeno prvo mjesto na kantonalnom takmičenju iz predmeta za koje takmičenje organizuje Kantonalno ministarstvo 100,00 KM
- Izuzetno nadareni učenici osnovnih i srednjih škola za osvojeno treće mjesto na federalnom takmičenju iz predmeta za koje takmičenje organizuje Federalno ministarstvo 100,00 KM
- Izuzetno nadareni učenici osnovnih i srednjih škola za osvojeno drugo mjesto na federalnom takmičenju iz predmeta za koje takmičenje organizuje Federalno ministarstvo 120,00 KM
- Izuzetno nadareni učenici osnovnih i srednjih škola za osvojeno prvo mjesto na federalnom takmičenju iz predmeta za koje takmičenje organizuje Federalno ministarstvo 150,00 KM

- Izuzetno nadareni učenici osnovnih i srednjih škola za učešće na svjetskoj olimpijadi iz predmeta za koje takmičenje organizuje Federalno ministarstvo 500,00 KM

DODJELA SREDSTAVA ZA ODBRANE MAGISTARSKOG RADA ILI DOKTORSKE DISERTACIJE

Član 18.

U skladu sa mogućnostima raspoloživih sredstava u općinskom Budžetu odobrvat će se zahtjevima kandidata koji stiču akademsku titulu i zvanje Magistar nauka (predbolonjski studij), Magistar za određenu oblast (bolonjski studij) i kandidatima koji stiču akademsku titulu i naučno zvanje Doktor nauka ili Doktor umjetnosti.

Član 19.

Shodno prethodnom članu, visina sredstava koja se mogu odobriti kandidatima- podnosiocima zahtjeva je limitirana i ne može prelaziti sljedeće vrijednosti:

1.	Završen stepen drugog ciklusa univerzitetskog studija, što sa prvim ciklusom studija ukupno iznosi 300 ECTS studijskih bodova i sticanje zvanja Magistar za određenu oblast.	Minimalno 1.000,00 KM, a maksimalno do 20% od iznosa upisnine za drugi ciklus univerzitetskog studija.
2.	Završen stepen univerzitetskog studija u trajanju od dvije studijske godine nakon sticanja Visoke stručne spreme (VSS) po predbolonjskom sistemu školovanja i sticanje naučnog zvanja Magistar nauka.	2.000,00 KM
3.	Završen stepen trećeg ciklusa univerzitetskog studija u trajanju od tri studijske godine sa ostvarenih 180 ECTS studijskih bodova, što sa prvim i drugim ciklusom studija ukupno iznosi 480 ECTS studijskih bodova i sticanje naučnog zvanja Doktor nauka ili Doktor umjetnosti.	3.000,00 KM
4.	Završen stepen univerzitetskog studija u trajanju od dvije studijske godine nakon sticanja naučnog zvanja Magistar nauka po predbolonjskom sistemu školovanja i sticanje naučnog zvanja Doktor nauka ili Doktor umjetnosti.	2.000,00 KM

Član 20.

Zahtjev za dodjelu sredstava za odbrane magistarskog rada ili doktorske disertacije i sticanje naučnih i stručnih zvanja iz člana 18. ovog Pravilnika mogu podnijeti nezaposleni kandidati koji se nalaze na evidenciji Službe za zapošljavanje-Biro Ilijaš, a koji su VII stepen stručne spreme (VSS) stekli po predbolonjskom sistemu školovanja i kandidati koji stepen drugog i trećeg univerzitetskog ciklusa pohađaju redovno ili vanredno, izvan kontinuiteta. Svi kandidati moraju zadovoljiti uslove prosjeka ocjena iz tekuće akademske godine i to: najmanje 8,0 na fakultetima iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija). Prosjek ocjena od najmanje 7,50 na fakultetima iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju).

Studenti koji su ostvarili stipendiju u redovnom sistemu stipendiranja za prvu, odnosno drugu godinu drugog ciklusa

univerzitetskog studija, gube pravo da apliciraju za sredstva definisana tačkom 1. člana 19. ovog Pravilnika.

Član 21.

Uz zahtjev je potrebno priložiti potvrdu od fakulteta o zakazanoj odbrani rada za sticanje naučnih i stručnih zvanja, uvjerenje o položenim ispitima za tekuću akademsku godinu, uvjerenje da se kandidat nalazi na evidenciji Službe za zapošljavanje-Biro Ilijaš, dokaz o visini uplaćene upisnine, uvjerenje o kretanju i fotokopiju lične karte.

Član 22.

Gramatička terminologija korištenja muškog roda u ovom Pravilniku podrazumijeva uključivanje oba roda.

ZAVRŠNE ODREDBE

Član 23.

Danom stupanja na snagu ovog Pravilnika, prestaje da važi Pravilnik o stipendiranju učenika i studenata broj 01/1-02-1279/09 od 29.10.2009. godine ("Službene novine Kantona Sarajevo", broj 30/09).

Član 24.

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 01/1-02-3178-6/15 Predsjednik
18. decembra 2015. godine Komisije za statut i propise
Ilijaš Nihad Suljević

Na osnovu člana 1. stav 2. i člana 56. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije BiH", broj 71/14), Općinsko vijeće Ilijaš na 36. sjednici, održanoj dana 30. 12. 2015. godine, donijelo je

ODLUKU

O VERIFIKACIJI PRAVILNIKA O STIPENDIRANJU UČENIKA I STUDENATA U STANJU SOCIJALNE POTREBE - PREČIŠĆENI TEKST

I

Općinsko vijeće Ilijaš verifikuje Pravilnik o stipendiranju učenika i studenata u stanju socijalne potrebe - Prečišćeni tekst, koji je utvrdila Komisija za statut i propise Općinskog vijeća Ilijaš na sjednici održanoj dana 18. decembra 2015. godine.

II

Pravilnik o stipendiranju učenika i studenata u stanju socijalne potrebe - Prečišćeni tekst će se, uz ovu odluku, objaviti u "Službenim novinama Kantona Sarajevo".

Broj 01/1-02-3178-7/15 Predsjedavajući
30. decembra 2015. godine Općinskog vijeća Ilijaš
Ilijaš Damir Filipović, s. r.

Na osnovu člana 47. Poslovnika Općinskog vijeća Ilijaš ("Službene novine Kantona Sarajevo", br. 2/10 i 18/15), Komisija za statut i propise Općinskog vijeća Ilijaš, na 34. sjednici, održanoj dana 18. decembra 2015. godine, utvrdila je prečišćeni tekst Pravilnika o stipendiranju učenika i studenata u stanju socijalne potrebe.

Prečišćeni tekst Pravilnika o stipendiranju učenika i studenata u stanju socijalne potrebe, obuhvata:

- Pravilnik o stipendiranju učenika i studenata u stanju socijalne potrebe ("Službene novine Kantona Sarajevo, broj 36/09);
- Odluku o dopuni Pravilnika o stipendiranju učenika i studenata u stanju socijalne potrebe ("Službene novine Kantona Sarajevo, broj 3/10);

- Odluku o izmjenama i dopunama Pravilnika o stipendiranju učenika i studenata u stanju socijalne potrebe ("Službene novine Kantona Sarajevo, broj 23/10) i
- Odluku o izmjenama i dopunama Pravilnika o stipendiranju učenika i studenata u stanju socijalne potrebe ("Službene novine Kantona Sarajevo, broj 40/15), u kojim je naznačen dan stupanja na snagu tih akata.

PRAVILNIK

O STIPENDIRANJU UČENIKA I STUDENATA U STANJU SOCIJALNE POTREBE

(Prečišćeni tekst)

I - OPĆE ODREDBE

Član 1.

Ovim Pravilnikom utvrđuju se osnove, način, kriteriji i postupak za ostvarivanje prava na dodjelu općinske stipendije učenicima u srednjoškolskom obrazovanju i studentima u visokoškolskom obrazovanju, koji su u stanju socijalne potrebe i koji imaju prebivalište na području općine Ilijaš duže od 3 godine. Prebivalište kraće od 3 godine mogu imati učenici i studenti, ukoliko su oni ili njihovi roditelji imali prebivalište na području općine Ilijaš do 06. aprila 1992. godine, kao i oni podnosioci zahtjeva koji u vrijeme podnošenja zahtjeva imaju prebivalište i vlastiti stambeni objekat na području općine Ilijaš, a redovno se školuju u srednjim i visokoškolskim obrazovnim ustanovama u Bosni i Hercegovini.

Član 2.

Pod učenicima i studentima u stanju socijalne potrebe, u smislu ovog Pravilnika podrazumijevaju se:

- lica koja nemaju izvor prihoda, odnosno da primanja po članu porodice nisu veća od 120.00 KM;
- da nisu članovi domaćinstva u kojima neko od članova izdaje pod zakup nekretnine;
- da nisu članovi domaćinstva u kojima neko od članova izdaje pod zakup nekretnine;
- da nisu članovi domaćinstva u kojem je jedan od članova vlasnik putničkog automobila ili drugog motornog vozila, izuzev lica koja, u skladu sa Zakonom o carinskoj politici mogu ostvariti pravo na oslobađanje carine pri uvozu putničkog ili drugog automobila kao ortopedskog ili drugog pomagala.

Član 3.

Općinsko vijeće na prijedlog Općinskog načelnika donosi Plan stipendiranja učenika u srednjim školama i studenata u visokoškolskim ustanovama koji su u stanju socijalne potrebe, za svaku školsku godinu, a u skladu sa sredstvima obezbijedenim u Budžetu općine Ilijaš.

Općinski načelnik može vršiti korekciju donešenog Plana stipendiranja do 10% u odnosu na ukupan broj planiranih stipendija.

Član 4.

O stipendiranju učenika i studenata iz člana 1. ovog Pravilnika staraju se Služba za društvene djelatnosti i Služba za privredu, finansije i investicije općine Ilijaš.

Služba za društvene djelatnosti će:

- zaprimati prijave na Konkurs;
- obezbijediti potrebne uslove za rad Komisije za provođenje Konkursa;
- po završetku Konkursa i izboru kandidata po odluci Općinskog načelnika, nastaviti sve dalje aktivnosti vezane za sprovođenje odluke o izboru;
- pratiti realizaciju zaključenih pojedinačnih Ugovora o stipendiranju.

Služba za privredu, finansije i investicije će:

- vršiti doznaku sredstava stipendistima putem ovlaštene poslovne banke.